

四庫全書

集部

欽定四庫全書

御製詩五集卷三十七

古今體一百三首

戊申三

山西巡撫明興奏報得雨詩以誌慰

春雨如膏弗易施晉疆獲得驛成馳孟維廿七兩日繼

三屬郊原數寸滋

明興奏正月二十七日省城地方細雨連綿自辰時起至二十八日卯時

止入土三寸四野均霑並太原府屬之太原徐溝交城文水汾州府屬之平遙等縣忻州直隸州各報同日得

雨二三寸不等

雪已冬霑麥下稔澤茲田渥黍堪耔批章斯

亦濃雲布不敢侈期實冀期

仲春

社稷壇禮成述事

祈固重於

謝勤春每闕秋

每歲以秋獨幸避暑

山莊是以仲秋吉祀典然祈重於報春

祭每親詣行禮

春膏叨厚澤

上冬各直省雪澤俱優唯近畿得雪數次未為霑渥

上元節前大雪

盈尺心實為慰秋獲顙豐收晉玉攄心悃繫縲俘首囚不堪陳

獻典

周禮大司馬若師有功獻于社茲逆首林爽文雖已就執檻送來京然以公膺小醜罪貫滿盈自應

伏辜豈堪舉陳獻典惟仰荷總是沐  
神庥得以遄速藏事實深感惕

鴻庥

仲春瀛臺即景

右社躬禋禮成遂臨西苑祭衣更載陽仲月欣佳景

素尚雙文仰

聖情

素尚齋數典避暑山莊  
祖所題額是日傳膳視事

皇隄柳梳風黃欲綠

盆梅培雪澤為榮驛章裁奪那知倦

今日接福康安奏  
審訊林爽文及籌

往南路擒拏莊大田情形並各省奏摺頗繁纖細俱  
經裁奪雖披閱移時而矢願孜孜亦不以為倦也

細胥存公與明

千尺雪二首

客冬臨此未吟詩孤負三冬雪澤施優渥春霽猶積玉

新正十二日大雪逾尺經今兩旬餘培植樹根者尚未融盡似催七字補為之

雪鋪瀑上誠為主瀑以雪名究屬賓梯几評因得別會  
由來幻總不如真

日知閣

閣俯闌流額日

知閣建石梁上下為水闌太液池水從此出達於織女橋流為午門內金水

河間額為  
皇祖御書

十三四憶讀書斯

雍正初年予十三四歲  
時皇考命讀書於

此集成薈說又多載

予自十四歲學屬文日課詩論頗  
多丙辰即位後哀為樂善堂集集

中未備載者復擇其精要語二百六十餘條別為四卷  
名曰日知薈說迄今又五十餘年尊聞行知時時體驗

尚未敢  
自信耳何有尊行每愧之

### 賓竹室

漫道址方不宜竹背風迎日也堪載延賓何必計多少  
幾个亦稱君子哉

### 鑑古堂

三鑑內之一此語出唐宗

唐太宗謂以銅為鑑可正衣冠以古為鑑可知興替以人

為鑑可明得失堂據液池南原在西苑中藉以知興替昭然陳

近蹤敢曰暢於懷蓋惟惕乎衷

### 結秀亭

秀者列乎外結之斯在中境情原不二物我貴相融四  
柱那知此一心原可通於茲順應處願勉廓然公

### 茂對齋

寶月樓西曲徑深背山有屋近湖潯入齋因繹對時義

育物先存无妄心

静憩軒口號

潔治書齋  
静憩坐來温  
席竟何曾伊  
余熟讀無逸者  
勅萬幾那静  
憩能

仲春經筵

文華廣殿集儒卿  
講學寧惟例事呈  
必也淑今在稽古  
要當晰理更研精  
安能慮始思能得  
明有功資博有成  
是日講大學安而  
後能慮慮而后  
能得書經明作有  
功博大成裕  
製論求平不求異  
伊



余所愧乃躬行

題文淵閣

閣建文華殿後貯四庫全書第一部縹緗插架實  
為書城鉅觀每歲仲春經筵畢於此賜茶遂成例  
事云

重校茲看四庫成魯魚累牘辨從精

四庫全書雖已列架排籤然其中魯

魚夾豕累牘連編不得不令重加讐校以成善本

雖云舉大遺其細要在纂言

觀厥行

從前抄錄四庫全書謄錄及分校總校人員不無濫選識叙者予嘗謂成此大事不妨宥其細

過詎意提調總校各員並不盡心經理以致書中錯謬  
不可枚舉姑念書已告成不加重譴原充提調侍郎陸  
費墀僅予革職罰令出資裝潢文滙文宗文瀾三閣書  
函纂修尚書紀昀罰令重繕應行賠寫之書並率領文  
淵文源二閣未經校出訛錯之分校總校於上冬前往  
山莊將天津閣未曾重校書籍再加詳閱在彼時原校  
各員均邀優叙既以此為捷徑此捷徑既因得以速薄  
畚僅予薄懲當亦無可置喙耳  
懲豈可逭惟輕源津溯並勘次第此次文淵文源二閣看出殊漏之原校官  
既罰令前往山莊重校天津閣書籍將來天津閣看出  
殊漏之原校官亦即罰令往盛京重校文溯閣之書  
次第校勘總期精審無訛  
以示予右文典學之至意  
求當無非盡此誠

### 仲春御園即事

講席迴輿御苑居仲春郊景歷憑諸潤增參隴漸芄若  
色重楊堤又宰如興偶飛常託平句齒微邁懶讀奇書  
十年前憶問

安況

向從宮中幸御園必先恭詣暢春園問  
迴憶十年前景況不可復得每一拈筆為之愴然

擲筆茫然一愴予

### 題安瀾園

隅園景本效陳家

海寧陳氏隅園壬午南巡駐蹕賜名  
安瀾並圖以歸就四宜書屋前後左

右畧加位置宛然如一蓋予既縫念海塘魚鱗土備沙  
水坍漲形勢無日不勤籌清晏顧冀安瀾亦以是名園

者意固自  
有在也  
名曰安瀾意託遐石易柴堅異永固柴為石

護藉重遮

庫子南巡閱視海塘令將老鹽倉一帶柴塘三千九百四十丈改建魚鱗石塘甲辰復親

臨相度並命自新建石塘越范公塘直抵烏龍廟一體亦行改築原欲以石易柴永資鞏固既見柴塘之後有

溝槽一道令將存積土牛填入槽內栽種柳樹俾根株蟠結柴石相連又即以柴塘為石塘之坦水不啻重門

保障但希海晏那靳費老鹽倉一帶石塘於癸卯八月

奏報完工前後共撥庫銀數百萬兩惟冀一勞永逸俾閭閻長慶安恬多費帑金固所不惜耳所為民

寧漫議奢有榭有池足佳趣遙期沙漲闢桑麻

隨安室有會

予十七歲居重華宮時曾顏書室曰隨安取隨遇而安之義即位後於西苑及圓明園長春園清漪園靜宜園湯泉避暑山莊等處每以題額今六十年以來隨遇之義益堪靜驗

重華昔所額閱六十年中到處題三字惟時驗一躬安居造以道隨物會其通更愜符名者臺灣茲定功

開鑑堂口號

春入平湖鑑欲開東風又與拂波催中庸第十七章訓

傾者覆之栽者培

題綰春軒

偶來綰春軒遂繹綰之義或以註曰統或以訓為繫其

解雖不同總具惜之意綰韻復同挽放翁詩曾寄

陸游詩惜

春直欲挽春迴

居然先獲心協此額軒志小憩仲月初韶光未

昌熾風拂柳絲絲大似循名試善解坤初爻履霜堅冰至

品詩堂

幼時書室此樓遲六十餘年未廢斯題額仰看却失笑  
一經入品總非詩

味腴書室即事

四庫圖書浩淵海豫教兩分

去聲萃其精蒐輯永樂大典

散篇成帙並校勘各省所進遺書彙為四庫全書共三萬六千冊繕寫四分分貯文淵文源文津文溯四閣用昭嘉惠藝林至意復命就中擇其尤為精粹有裨實學者得一萬二千卷名曰全書薈要繕成兩分一貯宮內御花園之摘藻堂一貯御園宮中摘藻堂先就園內味之味腴書室以備幾餘披覽

腴室續呈

貯摘藻堂者於己亥年告成貯味腴書室者於庚子年告成

全既多謫經

再訂要那無誤合重評後先漫議校顛倒

上冬命未曾校出文淵文

源二閣書中訛錯之原校官罰令往避暑山莊重校文津閣之書將來即命文津閣未曾校出之原校官佳

盛京詳校文淵閣之書因思薈要二分其中亦難免訛錯之處將來亦必須重加校定乃為善本其所以不即

令校勘者慮過求速成仍不免於踈漏耳求是吾惟戒速成

### 詠竹柄玉石子如意

竹柄出湘沅相

金玉其相之相

和闐玉子會合石與筠其隔逾

萬里兩本不相謀一宛聚於是有意無意乎誰解如之

旨



戲擬李白和賈至舍人早朝詩

和至詩者王維岑參杜甫皆名流然四首如一律  
況皆用鳳池故戲擬太白和句以嘲之

破曙東華步軟塵  
早朝榮耀動簪紳  
欲將佳句王楊邁  
各出雄材手眼新  
仙仗曉鐘任君喜  
百篇一斗莫予嗔  
冷言漫慮題凡鳥  
毛羽猶堪驚世人

題名畫簷錦冊

京兆原稱士女工會文  
雙艷坐春風  
一拈毫寫一構思

別撰傳神便不同

右張萱會文士女

施朱傅粉卻時裝  
淡寫飄蕭御月光  
不識青鸞背上者  
將王母命向何方

右周文矩月下乘鸞

布景長於漁浦磯  
江行初雪貯三希

趙幹休寧人南唐時畫院學士有江

行初雪圖卷真蹟貯三希堂與羲之帖同稱希珍

莫嫌栗烈輸橫卷  
颯颯蘆花

已示幾

右趙幹霜秋漁浦

五尺之童牧且嬉寢訖各適任羣隨堯牽舜箠有良喻  
治理亦惟弗擾之

右李廸秋林放牧

驟網雪獵雖希見

見圖繪寶鑑

寒浦漁舟此創觀誰謂冬江

魚不餌貪餐時亦上絲竿

右朱銳寒江捕魚

榴樹榴花榴結實皮開紅玉見磷磷翔禽翹首其欲逐

挾彈那知別有人

右林椿榴開見子

遠山欲雨佈濃陰  
待渡伊誰立岸潯  
旅舍隔溪徒在望  
一壺信可值千金

右顏直之雨山待渡

西陽景色向誰尋  
幾個歸鴉背點金  
獨坐茆簷沈思者  
夕佳應有慕陶心

右劉松年日暮孤吟

雨絲風片一川稠路指前村歸牧牛背卧奚童蓑笠穩

勝他盛懋寫歸舟

石渠寶笈有盛懋風雨歸舟圖軸寫淋漓冒涉之景頗為神肖較此殊遜

間遠也

右劉松年風雨歸牧

樓閣依然木工法

見圖繪寶鑑

漢宮乞巧值秋辰看他窈窕

穿鍼者隊裏應無辭輦人

右李嵩漢宮乞巧

松為皴蓋舟為屋碧水無風自不波烏帽朱衣把竿者

未知其釣意於何

石趙孟頫松溪垂釣

當年學士擬登瀛池館優游永日清  
欲問彬彬號仙者  
幾人真有出塵情

石商喜瀛洲仙館

仲春玉泉山

春光未覺已闌然最是可觀勝可憐

憐者惜也觀其未  
覺尚在醞釀為佳

既至可憐則爛漫在再將謝  
不足觀而惜春之意生矣

平沼有波泛輕舫經冬不

凍藉靈泉

園中滙玉泉之水為湖經冬不凍澄泓見底實賴靈泉濬發所致晉傅咸神泉賦所謂在

夏則冷涉冬則溫者是也

綠蒲白芷將出水弱柳稚楊初帶烟點筆

船窓成七字流陰弗覺座中遷

### 題含暉堂

靜明東向入園門堂曰含暉受曉曦奉以無私期政協

堂近園之東門每於此召見臣工披閱章奏一切政務期協大公觀茲堂額奉無私照之義益覺昭然善

惟有長

上聲

體乾元寧須畏似盾之赫要欲愛如衰也溫

即看景和物熙候羣雍都被化工恩

華滋館

溪館曰華滋仲春春曉時熏梅迎旭錦弱柳颺風絲韶  
景華猶嫩露光滋以熙山桃不讓侯已粲向陽枝

翠雲堂

華滋館之後翠雲向有堂堂名實久題館額乃新裝華  
滋重春韶翠雲在秋光原因雙古枯庭陰峙鬱蒼四時  
無改色童童佳蔭涼春華過則無難此較短長家丞庶  
子間興託應知方



甄心齋有會

心為五官主天賦非外來甄有治之義甄心藉誰哉不  
為外物染克已一言該仍為自甄耳心治物胥詣動歸  
靜契根內為外之茲斯齋有似之方寸會深培

竹壚山房二首

楮檐題徧渾無罅不竭用之泐壁阿

向日山房題咏俱揭之楮間年久已

過無隙可容因於山房外石壁間摹泐嗣後可以用之不竭矣寧可戊申闕紀歲躁人

難免笑辭多

泉稱第一玉波新  
就近竹爐安貼陳  
恰值雨前初貢到  
瓷杯遂試惠山春

靜怡書屋

怡者有所悅悅當靜中求  
設使動無定萬緒將紛投  
應接之不暇少樂必多憂  
書屋額靜怡有合此理不  
如云請問目四勿迷從頭

樂景閣

春景不妨遲春意已堪  
樂奚必芳粲然最宜氣  
融若靈

源本弗動倒影峰錯落陟降原乘舟拾級復登閣山水  
會一心流峙興攸託

虛受堂

溪堂廓然虛萬景隨所受虛故隣乎無受乃近於有可  
知有因無至理奚待剖弗識克己者其間強上聲去聲取  
堂則付不知是以超物誘

微雨

二月十四日

微雨未成寸潤庭間土香雲徂遂因霽風作變為涼亦

識時猶遠已教惜不遑祈農吾夙願自哂類癡忙

花朝

去歲花朝花正發今歲花朝花未開立春遲早為之節  
不齊之中乃齊哉山桃一二雖放萼東風隨作蒙塵埃  
咨爾桃莫怨風妒琉璃脆語伊古來

鵬挾兔

古玉鵬挾兔不知幾千年鵲剛奮嘴爪斃弱鵲伏跼摩  
挲定誰氏痕跡泯雕鐫林甫後於斯胡乃肖居然

張守中寒塘浴雁

蘆穗飄蕭荷葉破一雙迴雁

謂往南也

浴寒塘相依已近湘

南意帶到其遙塞北霜

仲春啟蹕巡幸天津府順閱河工之作用丁亥詩

韻有序

指邦畿而于邁十二年典協周巡諏春仲以時乘  
五百里地同夏甸溯丁亥遊河擘舉津門屢記郵  
籤洎丙申瞻岱旋臨星紀怡周蹕部軫恬瀾於海

若輩臣頻奏安流塵保介於田功民事先諮近服  
億萬姓之輿情企踵願切就瞻百五日之佳節屆  
期令宣警蹕芳郊歷歷流鶯乍轉花村春水差差  
畫鷁初臨鏡淀安艫穩泛春乘天上之槎夾道歡  
迎日擊衢中之壤鳩筇扶蹠曾陪千叟之筵驂篠  
齊驅半領元孫之隊惟蒲瞻杏望羣黎之積悃是  
嘉而燈舞笙歌大吏之增華豫飭遊豫非云玩物  
河防興穡事交縈慶惠亦曰乘時輦路共舟程同

莅數彌文於載籍寧誇刻玉之儀循例事以賡吟  
用叶展輦之吉爰成新什聿誌首塗

申歲津門翠蹕旋閱周一紀命巡船迅哉過隙白駒日

啟也行時春仲天河務田功心所切笙歌燈舞意為蠲

此次巡幸天津本為臨閱河務田功恐地方大吏踵事  
增華備辦燈船歌舞一切點綴轉非省方本意是以上  
年冬即有旨  
豫加申誡老來結習未除者觸景拈吟此始旃

泉宗廟小憩得句

路指盧溝此必經于馬傳膳小遲停軒名依綠綠猶稚

泉號浣花花未馨昨歲新題成舊什今春有意尚無形  
悟知醞釀勝艷裔橐籥化工乃至靈

### 過盧溝橋

過歲盧溝晏

永定河自辛卯漫水南岸頭工處取直築堤旋即合龍至庚子秋復有漫口亦即堵

築歲事近年以來仰賴河神默佑大溜直走中泓順軌安流隄工鞏固

神哉沛厚恩隄防唯益慎修治可輕言橋葺亭塗坦溝盧

橋建自金時歷元迄明屢經修治本朝康熙己酉雍正士子復兩次施工今又六十餘年橋面及兩陸有稍圯裂者乙巳秋發帑興工重加葺治並於橋東西兩陸加長石道詳見丙午過盧溝橋詩序冰消細溜



浚行將觀下口疏委自安源

自乙亥年閏視永定河將下口改由條河頭入海至

己亥因下口逐漸淤高命挑挖河身以消盛漲此次復將親臨閱示雖不能一勞永逸而疏委則源自安抵可

盡人力以為補偏救敝之計耳

### 良鄉行宮得句

卅里行宮近帝都時巡首頓必經途昔今題句欣和戚

蕉鹿為場有若無思易圖艱塵切念一勞永逸之良謨

兩端問俗觀河要七載仔肩未歇吾

計距歸政之期尚有七年惟日孜孜

不敢不勉

直隸總督劉峩奏得雨情形詩以誌事

幾望望逢微雨未成一寸施

昨二月十四日近京一帶微雨未及一寸土脈雖潤

正望優霈時澤為佳

督臣今奏報各屬獲叅差

劉峩奏順天府屬之東安等十四

州縣於二月十四十六等日各得雨一二三寸不等惟天津報有四寸更為深透

獨有天津幸

逮將半尺滋行當駐翠蹕觀麥慶秋期

望郊臺口號

伊犁回部金川定曾叩郊臺勞

去聲

凱軍林奕文俘到指

日小哉不值此書勲

憩弘恩寺

三宇帶烟郊遙瞻松柏梢往來接官路憩息入僧巢  
佛惟乘興施檀聊解嘲如詢切已句勿問惠心爰

涿州行館作

行館南城外便途復此臨助休一已事親切萬民心陽

向蕪增色年深樹張

去聲

陰長歌十全罷

乙亥過此作涿鹿行嗣每駐行

館必疊前韻至甲辰九疊十首已全是以丙午涿鹿行宮作有涿鹿行歌十首全不重虞韻續舊篇之句

午即停吟

降旨免直隸宣化府民欠銀糧詩以誌事

昨年雨暘時畿輔幸中稔宣府獨被旱民艱廩坎壈茲

當厯郊圻蓋歲閭閻審以此

謂畿內

忽乎彼

謂宣化府

是謂忘

民甚災欠及緩徵普蠲蘇慘慄

此次巡幸津淀親見迎駕老幼鮮凍餒色為之

欣慰然念上年宣化府屬雨澤愆期偶被偏災其民欠未完及緩徵帶徵銀糧若令新舊同徵民力未免拮据

因將該府屬五十年五十一一年民欠未完及緩徵銀二千餘兩糧八十二百餘石並加恩一體蠲免以示軫念

灾黎行慶施惠至意省方要施惠向隅念慙恁量吏善推行俾民

安食飲

紫泉行宮十詠

敬軒

敬軒曾不設憲櫺遊目無遮愜性靈前歲五臺經返蹕  
隔年復此翠華停

屏山

西山石近取携便誰肯太湖遠貫船亦自玲瓏當戶立  
見中不見兩魚全

鏡湖

春波潏沔勢猶微鏡也還叅是也非南北運河東西淀  
一湖先此遍先機

舫室

湖邊築室俯清浮不釣憑窓魚數上遊何必議斯為創  
造可知大地一虛舟

梭亭

瓦重梭輕人所知結梭代瓦實相宜團團笠子合誰戴  
杜老當年入李詩

虹橋

江南石洞接通津

鎮江以南水性平緩南北通津多跨河為石橋以利行人往來涵洞穹窿

實有垂虹之象此則曲折少枉僅存其名而已喻以垂虹幻裏真溪上步枉平且曲幻中幻也謾名循

魚罾

幾箇閒鱗泳碧漪樂乎否也任其為知非自致由人致雖設魚罾却弗施

石徑

徑如薦直率無趣石以抱環乃有情然此世間常態耳  
不由徑者義尤精

竹塼

春時本是竹之秋  
北地風高南國柔  
固識所存非所樂  
倚倚且自塼前修

箭廳

三架閒廳敞  
答陽向年每  
此角弓張七旬  
有八艱為射  
然此心終不可忘



紫泉行宮即事

涿鹿南行指紫泉由旬

梵經四十里為一由旬

近到午時前迎鑾

老幼情殷若駐蹕庭軒意灑然黃褪柳稊綠羸重紅開

桃蕾白增妍

山桃倍蕾時紅重開花則變白矣

歷年十景必題句擬罷

重吟以十全

每駐蹕茲館園中十景必各有題詠今已十次擬再經此處不復各景重吟亦仿涿

鹿行獅子林諸什之例以十全為度也

趙北口行宮即景

沙堤數里延緣攬左右漁村鱗舍家行館歷年將逮百

此處建於康熙年  
遠今將百年矣  
春巡駐宿本非賒東西淀乃此之隔

今昔題緣久以加明日去而弗顧者笑茲拈筆若為耶

### 懷清樓有會

最愛臨窓坐波光渺太湖仍為具懷者艱學濯清徒奚  
必問童子居然是老夫寧須試水獵有事不如無

### 湛持軒

是處多臨水湛持乃號軒因心豈遷境得性即為源內  
外交相養空澄自遠繁寄言持湛者無欲以為根

山東巡撫長麟奏報得雨詩以誌慰

山左昨年幸稔收三冬雪澤亦稱優首春積玉繼以遍

仲月如膏被更周

長麟奏山東省各屬自正月初八九以後得雨得雪一二次不等頗為周

遍至二月十四日省城又得雨二寸並提車邱濱州等二十州縣稟報同日得雨二三四寸不等該省上年雪

澤甚優今春復得廿寸計二三四霑隴田祈禾黍麥盈膏普被實深欣慰

寸計二三四霑隴田祈禾黍麥盈

篝披章豈不為之慰雲作風隨近却愁

登安福壚

水路今朝發駕初壚名安福即吾廬愛民一念福之本

克已兩言安以居  
厯歲題辭閒裏閱  
前途得句便仍書  
分明江浙行舟况  
親切輿情那忘諸

去聲

### 過廣惠橋

石橋接通衢中孔  
平設板徹板行大  
舟偶爾非恒典

北地

皆小舟橋下可以經過惟遇安福艦須徹板乃可通行

弗似江南路石洞垂虹宛

舟從洞底過無勞板徹卷  
南北風俗殊民情順用善  
廣惠久垂名循名實可簡  
賜賦與蠲租次第絲綸展

浚神祠瞻禮再疊庫寅韻

地有靈胥

神有司洋洋如在以臨之本來今古即斯淀却自庫寅

乃立祠

淀神向無專祠庚寅春巡至此地建祠以昭饗祀

利物恒期東西

晏

淀有東西之分贊

天永冀稔豐綏辦香三拜抒誠處不為已躬乞受釐

淀祠旁行宮八景

靜寧齋

庚寅初建癸巳至

癸巳年曾臨此

茲戊申經十五年依舊齋臨

靜寧者由今視昔信乎然

頤慶堂

御舫吉行旋亦駐烟宮咫尺見河干堂稱

頤慶殊前景顙泚為之不忍看

惠暢樓

拾級於斯行飯宜淀池俯望漾明漪樓窓間撫蘭亭帖  
正是惠風和暢時

互鏡軒

都知臨者人照鏡可識陳之鏡照人一屬有知一無識

光光相映義尤親

出楞嚴經

問源亭

水有源他豈獨無

水則有源人何獨無大而堯舜之政治孔孟之道德小而頡之書羿之射

輸之巧曠之音鵲之醫僚之九秋之奕莫不本於心源即武周夷齊跡相反而各行其至是其源亦無不同蓋有源則自不已而漸進以至於極此孟子原泉混混引而未發之旨也詳見向所作討源書屋記

世間

萬理一同乎告其絜矩致問者莫作迷頭認影徒

延清閣

順水行舟非遠程閭臨行館出牆橫延來畫吏咨民務

六計弊之要在清

清者  
廉也

### 澄綠池

是地由來富於水引渠到即便成池孟傳孔語德行速  
事半應思功倍之

### 引薰廊

面水依山曲折廊相羊躡步不知長引薰雖覺時未逮  
解阜之心可暫忘



御舟偶題

一舟視所行正之惟舵師御舟則不然更有首領司首  
領立鷁首欲顯彼有為搶風每上逆避淤忽下移左右  
無定見欲東復改西舵師乃無權淺滯時逢其因勑彼  
亦勞不值一喙嗤深中去聲杜老言庸人自擾之

閱文安堤工三疊舊韻

文安地處窪淀水相擊逐辛巳及辛卯衝堤凡兩開

文安

地勢窪下舊多積水自辛巳漫溢培修堤工之後民間  
得以種植有收至辛卯復被淀水衝擊地畝仍為水占

隨令將堤工增高培厚以冀消涸及癸巳親臨視又  
命軍機大臣會同該督徹底稽核減輕賦額並將無田  
之賦清釐免吾民嘆昏墊賑濟頻救災茭捷那惜費低增薄  
與培癸巳臨閱後至今安晏皆茲來觀民風熙熙迎駕  
排暖衣過冬月新苗茁春垓幸此十餘歲象如癸巳來  
該處堤工穩固十餘年以來並無漫溢之患而堤南大  
窪地畝連年多獲豐收茲來省視麥田一望青蔥民氣  
倍形安樂為之欣慰既思語忌盈吾惟益惕哉

蘇橋三首

堤在西湖橋在燕北南總以姓蘇傳斯民三代行直道

欺世禁他德政鐫

外省德政碑最為陋習使果有惠政及民自必口碑載道否則欺世盜名

轉為指詈之具因降旨通行飭禁並將現有之去思德政等碑概令仆毀以崇實政

漢詔唐書

皇祖臨撫臣摹示蹟垂今

康熙四十一年皇祖御臨唐太宗書漢文帝勸農詔

於每經此敬讀一過仰識

賜前撫臣李光地因恭勒蘇祠旁

於諸 每經此地必拱讀敬識

勤民一片心

左側書齋樸不奢泊舟小憩試杯茶早頒諭旨笙歌罷

此處向有燈船綴景恐地方大吏踵前預脩  
是以先期申諭禁止以示斥奢崇儉之意  
靜且嘉  
閒撫溪窓

四依

皇祖閱子牙河詩韻

傳訛記載率輦牙却以馮家屬呂家

是河本潯沱下游也因用馮異事

可識燕齊別疆界轉同涇渭混泥沙幸無河堰勞芟捷  
頗有水鄉資蟹蝦因利於民惠不費

聖人制弗取諸賒

題湛觀軒

總在淀池內

在左各莊行宮內

居然號水宮泊舟遂登听憩衆

頗怡躬池館原依舊昔今會不同如詢湛觀義弗外一  
心中

澄景樓

出牆樓屋俯滄波一碧平鋪萬頃多是實澄哉况無意  
對斯澄者意如何

環照齋

淀水引入園曲池繞階砌昔因環照名今繹環照意蓋  
環者還也還照要於自照他詎為難照自誠弗易人苦  
不自知斯齋具斯義

涵鑑堂口號

溪堂臨水稱涵鑑鑑物涵虛故不差絜矩鑑人是誰責  
大公涵更貴無遮

淀池行宮賜隨營王大臣及直隸大小官員食得  
句書懷

水路吉行三十里烟宮駐蹕淀池瀆和門敞向春晴午  
聯席聊酬奔走勤賜食漫誇言宴鎬翁河亦弗類橫汾  
若論潔治軒庭美祇為去聲憫然不為欣

琴高祠疊癸巳韻

譜琴朱載堦曾著論其非

四庫全書內有明世子朱載堦所著樂律全書其中琴譜

用正應和同四聲長至十六彈於是一音之中亦有抑揚高下不免煩手之譏殊乖古樂所謂心平躁釋之義

上年有詩曾論其非並命皇子及樂部大臣訂正訛謬錄入全書以昭雅正

不識高之鼓古

今調孰歸涓彭消秘術風月守虛靡流繞淀池綠太音

聲正希

清源堂

在臺頭  
行宮內

憩臨清源堂因繹清源義修身在正心源清流自治六  
計以弊吏源清廉乃致持已及臨人兩言可以蔽設曰  
請進之思無邪曾示

揚芬港得詩四首

揚芬蓋以芰荷香春仲何由韻水芳却是停舟有別會  
波光澹澹接天光



題名世代原難考毀譽人間訝已紛德政設如俗吏者

俗吏不務實政每藉去思德政等碑為欺世盜名之術或屬員藉以逢迎上司究之真偽難逃公論是以近年

概令仆毀嚴行申禁真楊芬抑假楊芬

擒魁海外靖妖氛貳負縛來亦逮聞

近接江蘇撫目聞  
鄂元奏報逆匪林

典文已押解入江南境即其貳之莊大田亦不日即  
聞福康安擒獲之信故適日盼此捷音又畧焦急却

命生祠立亦嵌

臺灣風俗刁悍此番大加懲創之後若  
不明示武威恐該處民人事過即忘無

所畏懼因命於事竣將福康安海蘭察及鄂輝普爾普  
舒亮等之勇畧最著者於臺灣郡城及嘉義縣兩處各

建生祠令眾拭目微心是予所嘉  
者實蹟而非概厭人之立生祠也此楊芬乃實楊芬

水緯牽舟到早仍樓門俯淀遠波澄厭他十景虛點綴  
行宮前臨淀池水光接天自有佳趣足供眺覽乃地方  
官畧仿西湖十景點綴亭臺徒增繁費意殊不取遂不  
登樓  
臨眺翻涵空明却弗登

題克和堂

行館揚芬港堂名取中庸和自中而發致之義在克雖  
云分内外大本達道同乘氣仲春候勤民豫象融幸無  
飢寒色藹有尊親容是之謂和乎推恩莫遺窮

協性齋口號

到處軒齋率與名雙文協性久顏成重來因復研其義  
性近戒其習遠情

清怡書屋書懷並示直隸各官

行館雖一區軒庭各搃勝書屋曰清怡茲來新額定此

名何所為

去聲

所為供張

去聲

盛點綴乃歌舞禁止預頒命


上冬即有旨預行申禁直隸備辦歌舞燈船之事茲至  
揚芬港尚復點綴景亭預備歌舞不惟不一經覽并飭

官吏以後必  
遵旨勿為

斯地循向例十景安排竟俗吏有秘傳從

意不從令我意豈如是弗悅厭增恟盪舟速過之弗視

亦弗聽何以窺伺意莫如勤汝政梯几手一編清怡信  
無競



御製詩五集卷三十七

欽定四庫全書

集部

御製詩五集卷三十八

欽定四庫全書

御製詩五集卷三十八

古今體八十首

戊申四

滄波樓三疊金山遠帆樓韻

登憶甲辰浮玉山南巡六度記成還

浙予自辛未至甲

辰六巡之典已成因於旋蹕時作南巡記申明宜遲莫  
速之意並示地方大吏不復南巡而親切民情仍如在

自前

賡吟忽疊遠帆韻無那民情方寸間

滄波不動淀池風早禁燈船點綴工昔奉

慈娛今奉已

庚寅恭奉  
隊以博

慈輿臨此  
歡心今予以省方視河而來

豈可復事繁華是以上冬已預有旨禁其預  
備而地方仍拘例伺候降旨訓飭並弗觀也 悵然景固

弗相同

隄成格淀隔渾流

向有格淀隄至臺頭西南而止丁亥  
巡幸臨視以莊兒頭至三灘里舊隄

有闕特命接築長隄障隔渾流不  
令入淀以防淤墊曾有詩紀事

俯視清漪鏡影投事

在人為語不爽廿年無故幸斯州

底論長江與淀池無過一例畫圖披戊申重疊癸巳韻

瞬息光陰駒隙之



水緯

水路資風帆陸路藉簞緯此理固不易行船人共便每  
亦渡江湖水緯曾未見淀池乃用之亦久成習慣名之  
曰龍鬚小舟引以先大舟坐省力小舟勞弗憚是謂圖  
已逸那顧他苦怨尚有流俗人觀之為欣羨殊異君子  
道以已度人願五字申諷喻絜矩萬幾勸

觀永定河下口入大清河處

乙亥閱永定熟議移下口

永定河自康熙三十七年朔  
築兩岸隄工由安瀾城入淀

嗣後下口改由柳岔口及王慶坨冰窖草壩賀老營屢經遷徙總以堤形緊束未能暢洩乾隆二十年親臨閱視將下口移今條河頭之南入沙家淀下注南北仍存堤不過遙為守中餘

五十里蕩漾任其走水散足容沙鳳河清流有以渾會

清南入大清河受

河下口南北兩堤仍令加高培厚遙為保障中寬五十里任其蕩漾足以

散水容沙自此會鳳河而南遂成清流入大清河達津歸海

幸此卅年來無大潦為

咎然五十里間長此安窮久

近年夏秋雨水調勻未致大潦故水不為害堤外田

地歲獲有收但自乙亥改移下口以來此五十里之地不免俱致停沙目下固無事數十年後殊乏良策未免

永念惕然也

五字誌惕懷忸怩增自醜

李侍堯奏報臺灣情形詩以誌慰

北路賊已靖南路師方進軍郵隔十日復盼佳音信茲

接督臣章吏臣胥致聞

李侍堯奏據同知楊紹裘正月廿七日稟稱現在府城附近各

鄉已無賊匪惟南路水底蘆金京潭等處尚有潛匿官兵分投搜捕所有附郡義民俱令歸莊耕種等語勦

賊連得勝寇已遠城郡民迴耕其田夏收望以瞬

李侍堯又

奏二月初六七等日據船戶自鹿港回至蚶江者稱自林爽文拿獲之後鹿港各廟社演戲謝神殆無虛日附

近田畝已種一半其被難歸莊之民現亦及時播種等語轉瞬夏收臺灣民氣可以少甦矣

復接署

撫奏春膏獲稱順麥苗已暢發可卜收成

又據護巡撫伍拉納

奏各屬稟報自上年十二月初三以後各得雨三四次又建安甌寧浦城建陽等縣十二月廿二三日得雪積厚二三寸不等其福州興化二府屬於正月月中旬亦得雨甚為霑足當此二麥長發之際有此渥澤滋培是閩省內地收成亦可預卜大兵之後兵後歲獲登蒙豐登有望感沐

天庥益慎翹思擒次允捷布至惟迅

崇禧觀瞻禮

崇禧古觀枕津河一紀春秋此重去聲過愜意蒙

庥錫海晏

月初據福康安奏已將逆首林爽文生擒檻繫來京固已仰荷天庥尚冀南路並將

莊大田亦即拏獲以靖海疆而安黎庶耳肅躬瞻禮顙時和藐予深感

恩駢疊

上帝高居示鬱羅萬物有心

天普鑒

天在人人心中隨方示象  
固難議祠宇之各處多有也

難拘禮議時祠

多

崇禧觀傍書室作

清河順水東溯游南而西轉閭閻稠郡城已近見埤堦  
例於北岸泊行舟行舟既泊遂登岸岸頭老幼迎鑒見  
尊親意比前更篤咫尺崇禧謁古觀古觀之傍書室存

熟路原識徑與門歲歷一紀斯再至却如瞬息過高奔  
高奔過隙迅如此樓臺點綴增多矣商力豈非民力哉  
因之不懌弗因喜弗喜觀聽紛笙歌熱鬧可厭填津河  
觀民本義詎在此按轡自問斯為何

望海寺瞻禮

十載重言至心空禮法王光陰誠速速相

去聲好聲

自堂

堂清晏南和北

津門海口南至閩粵北達盛京際茲瀛海恬波民船賈舶雲集流通京城米豆

百貨多資接濟

紛趨民與商迴思祝

釐况望海祇茫茫

策馬由天津府城至柳墅行宮作

一紀重來觀赤子五齡新喜抱元孫

丙申過此時尚未得元孫今元孫已

五齡而予亦古稀有八精神尚健是日仍策馬由城中至柳墅行宮

依然策馬過城市不

許前驅禁笑喧近海古來無海患

郡城東至海百里舊志稱海套廟島為重

溟門戶中復有沙橫亘如闌洋舶必乘潮乃進故從無海氛為患即明季倭寇亦從未至天津云

天津

宿應沐

天恩肆鄺富庶笙歌盛

城中市鄺張設燈綵笙歌夾道歡迎具見誠悃雖足徵富庶之

象然牧民者究當導之以返樸為要耳

返樸因之意默存

降旨免天津民欠銀穀詩以誌事

巡鑒依例有恩施所過十分三免之

此次巡幸天津閱視河工業於啟鑒

日降旨將經過地方及天津閭府屬本年應徵錢糧依例蠲免十分之二

茲攬民風益親切

應寬歲欠莫呼追

踴躍路經臨見小民扶老攜幼夾道歡迎益見愛戴之忱因再加恩將天津

府屬節年尾欠並緩徵帶徵銀穀普行蠲免以示省方施惠之意

數

去聲

雖弗夥究霑惠

計緩徵帶徵銀五萬七百餘兩屯穀六千一百餘石豆四百餘石雖蠲免之數弗多而於閭閻生計究為寬裕

蠲則無征俾普熙共戴



天庥昨秋稔前旬雨又麥田滋

福康安奏報生擒莊大田信至詩以誌喜

正殷捷信盼連朝忽接佳音至自遙鹿耳鯤身防海逸

莊大田在鳳山一帶距海甚近初慮該匪情急遁入海內追捕甚難得手轉不如林爽文竄至內山者尚覺人

力可施也柴城瑯嶠獲山跳

此次福康安多方籌辦令巴圖魯等各帶官兵分隊自山梁挨

次排下而烏什哈達所帶水師兵丁適值順風連檣齊至沿海密佈水陸並進四面合圍遂將莊大田及有名頭目四十餘名全數擒獲又殺賊二千餘名其餘逃入生番者被柴城瑯嶠各番社縛獻三百餘人未及兩月南北二兇悉行俘獲全一之為甚竟致再鵠既成擒豈郡俱已平定實深嘉悅

赦鵝永靖瀛壖揚國武益深兢業

昊恩昭

賦得周而不比

得同字八韻  
天津召試題

事有名相類究其實不同譬之若周比却了異私公周  
乃廓然大比斯暗以通應去聲來君子順營去小人攻滄

訛親那久包荒量自洪歐家論誠達

謂朋黨論

韓氏說猶工

謂說難

召試登寒峻捷塗斥宦叢

此次巡幸天津依例舉行召試先期言官有以

仕宦子弟及期親服屬應不准與試請者其言頗公因命學臣查核扣除俾寒峻之士專與此試所為循名責

實也  
寄言佔畢者子曰理無窮

清明日賜扈駕衆官食即席得句

津門冷節值清明昨恰捷音到御營  
賜以饌應同衆豫  
默無賞覺矯其情  
花雖含蕾曦烘暖柳已舒條風拂輕  
樽俎內臣佈遲慢笑他寒食太循名

閱武

巡方之所重詰武及修文  
昨已試諸士今應閱衆軍  
熊羆分列隊鷺雁聚成羣  
原可百年偃休疎一日勤酬勞

略行賞合度亦堪欣敢曰瀛氛靖戒安意正殷

微雨

二月二十九日

雖則春雪渥亟希春雨施雲濃郊霏點風盛已披曦海  
嶠縱傳捷農田正待滋喜隨日度矣愁固我當之

柳墅行宮八詠疊丙申韻

行宮一紀隔來多宰地依然綠意娑却憶當年扶  
輦况耿懷撫景愴如何

右柳徑

疊石為屏亦峭蒨清防之意目中存而予更有會心處  
會在重華闢四門

右石屏

重此津門問俗來渚宮小步曲池迴喜他三鑑中之一  
為我亭澄素影開

右曲池

綴景有溪必有橋橋安謹論會非遙却看嚙柱增波漾  
牆外知他到海潮

右橫橋

顏堂偕樂在楣楹觸目因循實及名所願萬民飽與暖  
顯諧一歲雨和晴

右偕樂堂

商資豈不緣民力一晌徘徊繾綣慮縈預備笙歌翻覺鬧  
書齋愧爾播醇名

右播醇齋

東風尚勒芳華候索莫喬枝俯砌苔誰與較量今昔樹

海棠廳之名久有之但  
今樹未必仍昔樹耳

聊因點筆記斯來

### 右海棠廳

近經四庫校堂堂魚魯研窮白與緗

文淵文源文津文溯四閣全書前已

辦竣貯架其分貯江浙之文滙文宗文瀾三閣全書昨春亦經繕校全完因念珍儲秘籍嘉惠藝林必須精審無訛斯為美備去秋駐蹕避暑山莊因命皇子及扈從諸臣詳加校閱並令在京之皇子大臣等派科甲出身大小臣工二百餘員分司詳閱乃其中魯魚亥豕之誤累牘連篇皆由初開館時于敏中派陸費墀為提調及諸總校分校等辦理不善所致已即飭部議處並罰令賠寫示懲矣雖校書如掃落葉然經此番改正之後庶亦可稱善本耳

大典詎徒笑永樂

永樂大典編韻分字割裂諸書其體裁最為踈駁而成書

後又未詳校是以訛錯不可枚舉現在所辦全書詳加校正非欲與之較勝惟是金匱石室之儲流傳千古必得完善方可惬意也亦惟求是一心康

右校籤室

賜兩江總督書麟之任之作

入覲剛逢六轡琴遂隨安福

御舟名

析津臨歛徽災務紓

予念

乙巳上江安慶徽州等府被旱書麟時任安徽巡撫督率所屬辦理賑恤事務頗為盡心俾災黎不

致失所實紓厘念

廉謹家風望爾任

書麟之父高晉前為兩江總督廉謹有為今書麟擢

授此職亦當勉繼家風庶不辜予簡任之意

漁舍蝸廬非異景龍陵虎阜憶



前吟謂卿此去推行好寄我懷民一片心

李侍堯奏截停各省運閩米石詩以誌事

軍務昨年恐弗完籌糧百計每從寬

上年因臺灣軍務未即截事節次諭

令江南浙江江西四川湖廣等省撥米一百餘萬石又有台州等九幫以守凍不及受兌之米並令陸續運往閩省俾軍儲民食悉臻寬裕 歲功却至用不竭截運誠教慰以歡

據茲

李侍堯奏現在軍務告竣將各省撥運之米除籌備應用外尚多米四十餘萬石所有台州等九幫及未抵閩境之湖南四川二省米石飛咨各 進勦

安福康

坐謀

李侍堯

力各盡宵衣旰食意差安雖然敢即云無事惕息為君

敬識難

聞京師得雨

津門昨雨不成寸此日京師二寸滋却似甘膏偏避我

二月十四日京師得有微雨據長蘆鹽政穆騰額奏天津府於是日得雨四寸茲留京王大臣奏京師得雨二寸而予駐蹕天津昨又對斯芄麥切憂其雖云苗長上聲

僅得微雨盼望益殷

尚容待將逮秀臨可再遲遠靖邇安宜豫悅愁農務那免焦思

海光寺

清蹕禮蓮宮東瀛吐旭紅萬民恣瞻仰一意祝和豐我  
自勤宵旰那能悟色空如來按指處歷劫海光同

楞嚴經我

若按指海印生光汝纔動念  
塵勞先起寺名蓋出於此

### 賜山東巡撫長麟

連疆因接來駐蹕許追陪去宄消塵案

長麟任山東巡撫頗能整頓地

方嚴切緝捕上年十二月連次拏獲積年賊匪巨窩捐  
職運判田玉堂及包五李德朋等三案并賊犯二十餘

名戢匪安良具見實心任事  
已即交部議敘以示獎勵

有猷真幹材逢年幸同慶

上年各直省俱獲有收山  
東據報收成九分有餘

元氣要深培五字非虛譽爾

惟益勗哉

山東布政使繆其吉報雨口號誌悶

山左雨滋二寸田

山東藩司繆其吉奏省城於二十九日自卯至辰得雨二寸並附近之章

邱濟陽長清齊河等縣稟報同日得雨一二寸不等

非優究潤麥芊芊北南被闕

中間此

京師在北濟南在南天津則在中間也

把筆欲吟轉恹然

上巳日賜御前大臣侍衛等食

海嶠首俘至行宮一日停

巡幸津門原定於上巳日迴鑾因逆首林興文等於初二

日晚間解到次日廷訊復停蹕一日

重三逢令節上巳溯前型左右嘉勤

扈筌歌合與聽如云較馬射豈彼足相形

柳墅行館中有辛卯憶故大學士傅恒之作見之

悵然既而快然因用舊韻

題句光陰十八迴

自辛卯逮今已十八年

無端一見引餘哀戊申

辛卯彈指耳盱食宵衣仍我哉肩佛塵寰將逮却

計至乙卯

歸政不過七載退居寧壽宮之後亦可少息仔肩矣

威揚海嶠竟成材

福康安素練戎行此

番渡海稟受方略統率勁兵生擒二兇威揚海嶠國家又得一將帥之材是傅恒雖亡而有子克繼其勲轉為

快然也 存亡造就循

天理傾者覆之栽者培

福隆安侍朕左右謹慎小心尚無大過但其自奉未免耽於安

逸究不能肖其父之忠貞殫心國事迨後中歲而亡不能永年承恩其家又兩遭回祿未始非感應之理確乎不與若其弟福康安屢著勲猷為國宣力是應優加寵錫以旌其勞蓋栽培傾覆予惟視其自取即予欲宥過而冥冥之中天理亦有所不容者吁可畏也

### 天津迴鑾之作

到來日報大田擒又值訊俘協衆忱

天津駐蹕六日初至即得生擒莊大

田之報將迴鑾復值林與文解到親加鞫訊衆情胥快數日之內諸事頗得順意似此諸般皆

順意祇殷一雨獨縈心迴思春雪虞孤負深究盈虛凜

酌斟

新年雪澤甚優嗣後得雨總未霑足豈因諸事順意敢懈此祈年望雨之意哉

安福艦窓

靜拈句却欣漸遠管絃音

北倉

截漕南糧建北倉軍民胥被

聖恩長

天津北倉四十八座建於雍正二年蓋遇水淺之年軍丁可省撥運若遇截留賑恤則貧民又

得早沾實惠

皇

撥船更許新排造

昨乙巳歲據長蘆鹽政徵瑞先

考用意至深遠也

後奏商人兩次呈請捐銀三十九萬兩共造撥船一千五百隻以為每歲撥運漕糧之用民船既免官封而商運亦無虞壅滯當即允准並令湖廣江西二省先行動欸趕造令該商等分限歸欸似此商民兩利之舉正不

欽定四庫全書

御製詩五集

十三

卷三十八  
厭其詳  
脩耳

有利於人不厭詳

陝西巡撫巴延三奏報得雨詩以誌慰

春前臘後雪稱優下澣雨堪寸計籌二至三或五至六

七為府及四為州

巴延三奏西安同州鳳翔漢中延安榆林興安七府屬及商鄠乾鄜四州

屬稟報正月二十六七及二十八九等日先後得雨二三寸至五六寸不等節逮春分得此膏雨二麥乘時透發且春耕佈種更為有益民情歡悅等語東興利種禾和黍夏熟堪期麥與

薺披奏能無批慰覽却斯望澤更生愁

雨

三月初五日



半夜作狂風悵然無雨望風乃挾雨至無望中生暢醺  
醺與颼颼聲色難形狀開舟尚淋漓風細雨猶壯緯者  
誠苦辛量勞行賞當

兩道泥濘拽緯兵丁用力較勞因令酌量行賞以示體恤逮午

始開霽徂雲遠字向駐營量吏報四寸叨

天貺弗止利麥苗大田耕可諒悵然易愜然春巡荷

宥相既而增惕然誠恐此心放

### 登陸

今朝登陸駐行宮潤野迎眸麥色芄已是春巡稱事順

更教時雨解心中柳圍桐柏

村名行宮舊建於此

牆頭綠杏發靜

寧齋角紅

是日始見杏開

向北霑膏較南遜

武清縣以南雨實有四寸向北漸覺

不及路旁馬行有塵起

又因望澤切乎衷

### 桐柏村行宮八景

#### 孚惠堂

水程歷盡陸登途舊有行宮近帝都駐馬前堂觀畫吏

惠心勿問亦知乎

蓋之九五言有孚惠心勿問元吉本義云上有信以惠於下則下亦有信

以惠於上不問而元吉可知予以為勿問當云不計天下人之感戴與否若有計較之心便是不孚於心而涉

於達道千譽之為向每持此論凡為地方大吏者亦當常存此心方可以宣導德意耳

### 古芳書屋

書屋怡情萃縹緲於斯枕藉趣偏長盆中尚有梅花朶彼此都堪號古芳

### 融春堂

紀過倏閱重去聲時巡益切民情赤子親佈惠詎云循例事試觀堂額曰融春

### 心矩亭

方亭一別十餘載觸目循名益切吾敢曰從心得所欲  
亦云矩步黽無踰

寒碧徑

植竹假山不計竿箇中尋徑曲非寬畫情頗似九思法

石渠寶笈君子林卷中  
有柯九思苔石煙樹圖

風過饒他一段寒

環勝齋

書齋曲折不誇多面面都供佳致哦亦曰會心酬景耳

李仙杜聖那論科

來青閣

畿南行館開平野騁望四鄰都遠山閣裏靜思仁者樂  
來青意正萃斯間

泛虛舫

來往觀河安福名居行齋式却舫相如笑他結習工點

景豈識予心似泛虛

入南紅門

廿里路非遠是日自普周營尖營至行行南苑看畢差

南紅門不過二十里

遣量吏迎駕萃京官數日期斯駐向年迹歷觀土牆磚  
以易海戶沐恩寬

海子周圍原皆土牆夏雨每致淋頽則海戶出力脩  
十分之四官發帑脩十分之六此向例也因思海戶  
雖皆受田力役亦其當然但憐其貧窮或不支即官  
發帑亦每歲多費無止期爰命次第易以輒既免每  
歲之費而海戶免此力役受惠實多矣通發帑三十  
八萬餘兩成之受僱貧民亦資其利然出之內府無

涉司農此知過論所謂不可已者仍行之者乎

南紅門行宮晚坐

行宮即禁苑憩息久安愔歲月堂堂過詩題厯厯吟昔  
時閱景幻

皇祖沐恩深敬念承

殷顧敢忘赤子心

輕輿六韻

輕輿向舊衙

舊衙門行宮原明季內侍衙門也屢有詩論之

十八里匪遐獵

騎春蒐獵

是日沿途小獵國語謂之阿達密畧寓春蒐之義非如木蘭秋獵大獵合國國語所謂阿

巴喇密也

家風法纂家子孫勘射藝

我朝最重騎射無不自幼學習茲自天津迴鑾駐蹕南苑

數日皇子皇孫皇曾孫輩來迎即命隨行射獵以觀其藝之能否憑輿無事口占是律亦以誌愧云平仄

就詩又雖曰心猶喜其如力不加逸行稍自恧教寓此

惟賒六十六年我

予自十二歲侍今七十有八是六十六

皇祖在此

隙陰

了未差

德壽寺再疊庚子詩韻



庚子戊申閱八載班禪追憶此來朝

班禪額爾德呢以庚子歲為予七旬

萬壽自後歲不遠二萬里至避暑山莊祝釐嗣予恭謁東陵畢取道南苑恭謁西陵班禪又於此寺

謁見僕指已閱八載矣 闡宗似彼真無二祝嘏嘉其不憚遙談偈

梵宮元理契拜膜藩部衆誠翹化身七歲通經始

據留保住

奏班禪示寂週歲呼必勒罕生後歲扎什倫布所屬地方年已七歲能通梵典 春至禪枝更發

條

### 舊衙門行宮即事

舊衙門作今行館勝國紀綱堪溯論何致貂璫恣煬竈

竟於苑囿建軍門

南海子始於元時曰下馬飛放泊瞭鷹臺即元之仁虞院明季於適中處

有廡殿為行宮今俗呼為吳殿者是且置提督太監一員闔防一員又分置東西南北提督四員今僅存新舊

兩衙門

百年樹木松榆在一瞬光陰窻几存書屋如將刮

目待人猶故也慙無言

### 戲題張照南苑大閱詩

大閱惟因舊典沿初行例合進詩篇

乾隆四年冬予初於南苑大閱亦惟

遵守

家法率由舊章時羣臣皆恭進詩篇為鋪張

揚厲之辭

如張照詩冊學有根柢書格亦峻整有法因

愛而藏之於此嗣每駐蹕輒加展玩

忘規祇頌固無可衆口同辭少有鮮

鑄史鎔經出獨撰愛書藏架此多年笑他位置張學士

一展看常一輟然

詩冊後幅有惟以習勞無伐可張之句下文即接學士臣照云云乍視之

若自著其姓為張學士者然張照曾任刑部尚書繼以獲咎革職是時復加恩用為內閣學士詩詞高自位置巧於寓意而又近乎東方朔之談諧予固早燭其隱特愛其文高書古每一展冊為之輟然

### 永慕寺瞻禮

竺宇近鄰西

在舊衙門行宮右

虔瞻兩載睽金仙不動念梵侶

有來徯

是寺向住喇嘛僧

旛影淨空色唄聲契筦倪

暢春建

恩慕

前事述重提

寺

皇祖為

皇考為

太皇太后於南苑建此

皇祖於暢春園建

恩佑寺丁酉予為  
寺於恩佑寺側蓋無用二寺之義  
聖母建恩慕

瞻謁

元靈宮

順治建蕭宮

是宮初建於  
順治丁酉年虔心禮

吳穹鬱羅百年久顧諟

四朝同詎為

去聲

祈已福惟殷希歲豐百年都沐

貺惕仰

厚微躬

夜雨

三月初九日

夜雨落三更隔窓聽淅瀝時密時復疎未至簷響滴因之不成眠曉起霽光白移頓向團河憑輿晴野歷昨日堞揚塵今朝露含澤然深剛及寸於農嗟何益行館亦

即至郵章批覽悉熱河山海關報雨四寸得

熱河副都統恒山保

奏熱河等處三月初五日得雨四寸餘又據山海關副都統麟寧奏是日山海關等處亦得雨四寸餘遠

慰近仍愁拈吟顏為赤

團河行宮作

宿雨曾惟一寸滋  
麥無益祇濯花枝  
溪齋山館於焉候  
梨白杏紅正及時  
豈不臨芳堪悅目  
却因待澤少閒思  
隔年到那無言去  
促就猶嫌鮮妥辭

題璇源堂

溪堂昔以額璇源  
疏濬益清資刷渾

乾隆四十二年疏濬團河開拓下游

東南流出南苑是為鳳河之源又東南流入淀池藉以滌永定河之濁於是就挑挖團河之土畧加點綴構築

行宮以備總息點綴遂因置軒榭週遭且復築牆垣昔成今憩

過曾論

去聲是處行宮弗用正帑惟以內帑所節省者物給價工給值不惟不以累民而貧者且受

其利究之興工作即為予過詳見向所作知過論

宜也否乎惡那言題什壁間

明即去不留寓意戒斯存

### 鑒止書屋有會

書屋臨碧沼向名曰鑒止不必言其他可以返諸已臨  
五十三年闢二萬餘里雖未大當致亦可小康擬此而  
弗知足其欲將何底知足徒云乎惴惴增敬耳

山西巡撫明興報雨

晉省報春雨府州各以三

明興奏太原汾州兩府及忻州代州遼州三直隸州所屬

於二月廿八日得雨二三寸不等又大同一府所屬之天鎮縣及豐鎮廳同時得雪三四寸該府地居關外節候稍遲得雪亦可翻犁佈種等語據所報雖未為霑足然較之未得雨者究為被澤也

寸深二至

四雪冷北殊南雖小較為澤厯農向所諳近畿頗亦似

近畿雖連次得雨亦祇二三寸尚未優霑正殷盼望

亟冀霈優甘

新衙門行宮作

小獵旋收有底忙行宮憩息趣猶長馳驅筋力嫌他懶



宵旰精神幸自強  
庭樹又看今日景  
砌花不是少年場  
讀書習射胥陳迹  
剩得拈成字幾行

裕性軒憶舊

少年於此地習射復攻書  
望道猶未見詰戎茲更疎  
向惟霜鬢耳今乃雪鬚  
諸惟是性無好去聲邇來並裕如

古秀亭

四柱限地勢十笏猶未至  
曲轉接兩廊聊爾為點綴  
居然以小勝几上芸編置  
隨分去聲看一卷其中無限味

陶春室

春自昌室外此室稱陶春春豈室所陶題額涉躐云而  
吾更思之春室了難分譬之方寸間物我寧殊倫推此  
胞與懷春臺共閭閻是則陶之意室共物我均

澹思書屋

步來曲折得深沈暇以居安靜以吟五十年前讀書處  
澹然思視昔猶今

白雲觀

因修葺落成瞻禮

古觀西郊外逮今五百年

白雲觀元之太極宮也元太祖以居長春真人邱處機改

名為長春宮後又改為白雲觀至今凡五百餘年京師以正月十九日為燕九節至期羽流並集觀中

葺

新不知幾有象那恒堅前歲臨真域

前歲西巡啟蹕路經此觀見其棟宇

頽圯因命內府發帑修葺茲已落成便道瞻禮

當春禮法筵希敷萬民福寧渠

為求仙

### 題養源齋

釣魚臺側養源齋

釣魚臺金時舊跡臺下多有湧泉每夏秋雨潦西山麓之支流亦悉灌注

於此輒沮洳不便行旅壬辰夏命芟治葦塘疏剔諸泉濬治成湖以受香山新開引河之水復於下口建設閘

座俾資蓄洩成湖分引為河一支達阜成門護城河經正陽門而東一支由外羅城經永定門護城河而東並入通惠河濟運三十九年命題額本因傍沿涯路便去聲修建臺屋顏其額曰養源

何妨一憩體地便

平聲

亦復足澄懷水如是矣人應識

水聲

源為泉人之源為心以臨養源齋即思養心殿之舊名實治天下之本也

名既循之實合皆

觸目無非會心處成吟原不費安排

巡幸天津迴蹕至御園作

陸則輕輿水則船津門發蹕御園旋觀民頗豫豐年值

去歲畿輔統計八九分收成

靖孽兼從遠海傳

初駐津門日即得生擒莊大田佳音將迴

鑾並值械繫林真文倅至因即加廷訊然三月佳春正  
後押赴西市正法以彰國憲而快人心

明媚一心望雨獨勤虔那更暢意看花籞惟是殷憂慮

麥田

五福堂對玉蘭花疊去歲詩韻

玉蘭花號五福樹昨歲拈毫與吟顧安名立字豈偶然  
時節因緣欣所遇揚善非誣善辭游別開生面千載留  
一一有徵寧假藉可用申之以句酬花樹鮮八旬年待  
上年五福堂對玉蘭花詩以五福之義狀花有一曰壽  
實花之身種時與我同庚真之句蓋謂圓明園經營於

康熙辛卯玉蘭即彼時所種實與予同庚也今予已屆古希望八之年而斯樹老幹繁英精神百倍洵非羣芳所可比是却與我同庚乃斯非壽乎勝別卉老幹精神擬耳

標百倍老當益壯語非欺壽為福先語可思富者福也花無萬繁英恰與先春期康寧之基曰仁義地靈物傑賴

天賜堅不如松壽勝松

凡花木之堅惟松為最然清暉閣前九松乃與玉蘭同時所植

者癸未松燬於火而玉蘭以隔遠無恙至今花葉獨茂是壽轉逾於松矣俯視羣芳福獨備

童童不染塵之身其德為淨香為真肯低凡葩爭姚冶

白雲覆屋舒盤囷紅梨海棠豈無朶春來亦自紛婀娜  
九十瞥眼付過之閱世考終問誰可五福備矣然乎然  
春秋徒曰八千年試看堂前一株者以靜而久非以妍  
詠物語不離典則亦弗枯禪論空色老讀書返如少時  
約舉為仁在己克省歲協時廛範疇對時望雨方惕憂  
那復怡然賞艷裔所希霈澤貽農庥

廣東總督孫士毅奏報春雨霑足麥收豐稔情形

詩以誌慰

東粵近鄰閩賊平民氣閭

當林爽文等滋事時粵東就近多微調無緝捕逆匪不無

驛騷茲兇逆胥已捕誅海疆澤需歲惟首霖霈月終旬

平靖彼處民情亦可安恬矣據孫士毅奏粵東入春以來地土微乾旋於正月廿二日潮州府一帶密雨淋漓自宵達旦頗為霑透至二月初九日方始開霽二麥得此結實飽綻現已有刈穫者可卜一例豐收至早田俱已翻犁二月下旬即可栽插又廣州省城及肇慶惠州嘉應各府直隸州得雨情形遠近相同糧價日就平減覽奏深為欣慰惟北省望雨仍不免懸切耳繼此時優霽起耕遍隰酌披章寧不慰望雨此

憂頻

廣潤祠請雨疊丙午韻

三月十九日



孟春優雪後

正月十二日京師得雪盈尺實為優渥

倏忽仲春過近日頻

風作謁祠祈雨沱抒誠一意請抱愧五言哦雲未西山  
吐延晞嘆若何

鑑遠堂口號

祠傍書屋俯淪連揣稱

去聲

為名豈偶然鑑遠應知必由

近母容一指蔽當前

月波樓戲題

月印波乎波印月其間定語孰能成偶來不暇煖席去

亦慮難為賓主評

雨

三月二十日

達曙時晴時復陰何期卓午霈甘霖仲春遞望季春到  
四寸不寧六寸深趙北燕南應被澤齊郊豫省更紫心  
是日雲氣濃厚想近畿被澤必廣惟山東河南  
較遠未知同時可能一律普霑現在傳旨詢問  
熟禾堪種沐此

天庥意倍欽

李侍堯奏報閩省雨雪二麥情形詩以誌慰

去歲兵興際多方籌繼糧

臺灣以上年逆匪滋事未免有悞耕種軍糈民食必得預

為籌備因節次命江南江西浙江四川湖廣等省撥米一百餘萬石並台州九幫以守凍不及受兌之米陸續運往接濟昨據李侍堯奏軍務已竣民間俱已歸莊耕種所有運到之米散用有餘其未經運往之四十餘萬可以茲猶用不盡更值若雨暘二麥可卜收早稻播種

停止

忙李侍堯奏閩省上冬雨水調勻正月內各屬頻得澍雨茲省城於二月初五六日又復雨雪交加極為霑足二麥得此倍加暢茂該省氣候和暖農事較早各處播種早稻田水盈滿園蔬雜糧亦俱茂盛大兵之後可冀豐收覽奏海外賊既靖各屬民胥康兵後無凶年額

為之欣慰

手慰南望然而復元氣匪易爾尚獲

手慰南望然而復元氣匪易爾尚獲

直隸總督劉峩巡漕御史和琳各報得雨詩以誌

事

將謂優膏溥被田

昨二十日京師得雨實有六寸餘是日雲氣甚厚意謂近畿當可溥被

依然愁閱奏聞箋近畿寸計一二耳

據劉峩奏保定省城及所屬之安肅

定興新城滿城容城五縣順天府屬之涿州直隸易州及所屬之涞水縣是日各得一二寸不等山左

澤增三四焉

和琳奏山東魚臺濟寧沿河一帶同日得雨三四寸不等雖較直隸為優而究未溥

霑猶深

總匪渥霑利耕耨那舒渴望慰胝胼肯因幸近

忘其遠惟是翹南祈歲虔

賦得棲鳳難為條

得年字八韻  
考試差題

擇主擇賓等友求較已賢五言著僧達一晌寄延年  
翾翾諸鳳雖雖時傳天于飛爰止矣攸託在甄旃他樹  
條嫌冗惟梧枝不偏喈音適與合羣體集斯便風虎雲  
龍應去聲猶魚有水詮所期多吉士媚庶惠心宣

編訂詩經樂譜全書竟因題八韻

三百蔽一句闕睢樂不淫由來在言志可以永諸音清  
廟聲鐘磬嘉賓鼓瑟琴風王衰世歎頌魯本邦欽譜古

却沿俗

四庫全書內有明世子朱載堉樂律全書其意亦在崇尚古樂乃所著樂譜但填工尺等字而

漏宮商角徵羽且將康衢擊壤兩歌合而為一標題為立我烝民章於周頌思文篇後附尚書大禹謨水火金木土穀惟修一節標題為思文后稷章無論書詞不應入歌其牽強附會已屬師心自用况又以豆葉黃金字經時曲小令譜之則是名為復古轉援古而入於俗矣曾命皇子及典樂大臣詳加按正以駁其非是並題什書其卷首近又命樂工按載堉所譜歌之其思文后稷章竟彷彿時曲然於詩句尚無割截至立我烝民章直割截上下字句強附曲牌全無義理尤可鄙笑復命一字一聲按五音歌之令廷臣共聽雅俗昭然人人共喻益見其無

律商錯用金

樂中商調乃五音之商與商周知妄作矣何與而載堉詩譜固執周詩不

用商聲之說以角調譜國風徵調譜小雅宮調譜大雅羽調譜周頌而專以商調譜商頌夫歌詩一章之中豈

能不使五音俱備此其穿鑿拘墟之見與高  
叟言詩何異奚足與言五音三百之義耶  
全書聞未

昔典樂初於今美刺都闕政興觀可悅心從頭學詩竟  
老更惜分陰

山東巡撫長麟河南巡撫畢沅各奏報得雨情形

詩以誌事

月之廿日此間雨其深五六寸有餘惜其弗廣所潤近  
不過百里仍涸如越日劉莪及和琳寸不及五各奏書

昨京師於二十日得雨深透旋據劉莪奏保定省城及  
定興涿州等八州縣是日僅得雨一二寸和琳奏山東

魚臺濟寧沿河一帶是日僅得雨三四寸其山東河南接壤之處已深厯念

今朝次第報齊

豫齊則泰安三寸濡迤南各屬或相仿北則寸許乾如

初前據長麟節次奏山東省登州萊州沂州兗州濟寧等府州屬得雨已優惟濟南泰安東昌武定青州一

帶得雨分寸較小今日續奏泰安新泰蒙陰等縣於廿五日夜間復得雨二三寸不等至泰安迤北之長清厯

城二縣僅得雨寸許等語是泰安迤南已獲均霑而迤北仍在望澤節屆夏初麥收恐遲惟冀日內得有透雨

可以播種豫則河以南無礙河以北乃旱甚諸畢沅奏大田耳

河以南歸德南陽汝寧陳州四府暨許州光州得雨已為周渥其開封府及陝州汝州雖未透足尚資接濟惟

河北得雨之處據報不過寸餘情形披覽南顧增焦切竟與山東北府相等南望甚為焦切



去歲逢稔民方蘇

甲辰乙巳山東河南二省因旱歉收至丙午稍稔上年則俱收成九分有

餘糧價甚賤當此民間生計方蘇冀得屢豐庶幾元氣可復以此顚盼甘膏倍加虔籲

元氣未復

慮游臻調變乏術深慙予

陳淳溪亭對瀑即用其韻

一箇野亭坐閒客兩層飛瀑擎連山  
即茲聲色縱縱地  
悟得於中了不關

三月晦日作

九十韶光纔減一

今年正月三月皆大建

居諸倏過亦逡巡甫經

滿志幸海靖即便攢眉望雨頻豈此於愁有約彼伊予  
合是箇中人何當霈澤連齊豫大慰胼胝力穡民



御製詩五集卷三十八